

## Kolosi

1-2 E Pol-ta, Yesu Kerisoné ala erale fópóló, Kótóné ama tuénétei, *aposel whi soro* beteralépó. I dere aseta, dané no Timoti dāmo wusuró bitu, diā Kolosi bemó betó mole no nerapepaae dapó. Diā Yesu Keriso tuāmó betepa, Kótóné ama so whipóló kae beteró betereiteiné diaaḡ ama ala hāle eró tarapó. Dané Aya Kótóné hamokoróló hāle tao sere alaró hosaa muni deyóló mo dua betere alatamo diāpaae erópóló yae.

### *Talepaae mo kée yóló moma yaleteti*

<sup>3</sup> Dā tēteróló kaae tare whi Yesu Kerisoné Alima Kótópaae momaturaalu, diā keteréni kisipa hāle yó taru, Kótópaae mo kée du beterapó. <sup>4</sup> Ti noatepae, diā Yesu Kerisopaae kisipa tiki tiró bitu, Kótóné kae beteró betere so whipaae yaala sókó fu beterapó dere fo dané wosalepó. <sup>5</sup> Diaaḡ tuē tiki tiratere alaró yaala sókó fole alatamo hāle dumitei, take nalopaae eraaire wisi ala hepen bemó mulapóló kisipa mutu du beterapó. Ti ai eraalopó dere alata, mené diāpaae bete mole fo i ape yóló yó male fo wisi wosale betené kisipa yalepó. <sup>6</sup> Take mené kale fo wisi diāpaae yó matepa wosaleiteiné, Kótóné bete mole mo fo tuāmó bole ama hāle hamokoróló tao sere ala mo turó diaaḡ kisipa yalepó. Atéyale sukamó kaae soro, ai fo diā tuāmó fakeraté fóló du wisi oleté walepó. Atére kaae i hae kwia feamó betó mole so whi tuāmókélé ai fo wisi du oleyóló fakerótu

beterapó. <sup>7</sup> Ai fo wisita, Epapras-né diɔpaae yó matepa wosalepó. Ai seké ɔta, dɔ betɔ kutó diratere hosaa mole no bitu, dɔné diɔ tao saalopó yale kaae, Kerisoné ala wisiyóló eró taru, ama diɔ taosu beterapó. <sup>8</sup> Téri, kale Dɛi Kepe Wisiné diɔ tuɔpaae eratere yaala sókó fole ala diɔnémo mɛpaae so whɔpaae erótu beterapó fo dɔpaae ene walepó.

<sup>9</sup> Atére betené, diaaɔ du betere ala dɔné wosale be dɛmó kaae saletei, miókélé diɔmó moma dere ala hɔle eró tarapó. Kótóné Dɛi Kepe Wisiné diaaɔ kepe bete tuɔpaae mo bete mole fo diriyóló kisipa dere alaró ama kisipa mole ala eraaire fosó fosói kisipatamo diɔ tuɔpaae mo ti sɔrɔpóló, momarótu beterapó. <sup>10</sup> Ti dɔné momatu betere alata, diɔ Talené ama so whɔ sɔtóró beterɔpóló du beterapó. Diɔ atei so whɔ bitu, diaaɔ du betere alakélé fea ama kisipa feléyaaire ala eraalopó. Tétu, kae kae wisi ala deremó du wisi oleyóo, Tale ɔ etei kaae Kótópóló kisipa deté fóo yaalopó. <sup>11</sup> Diɔ Talené ala eraai hɔni, hɔle eraté fóló wisi kisipatamo dua kaae taté fɔpóló, Talené ama kae ere ala tuɔmó bole fotokɔné diɔ sɔraalopó. <sup>12</sup> Diɔ Ayané tɛtéróló kaae tare aɔmó mole dɛ wisi-naale tuɔmó, Kótóné kae beteró betere so whɔmó ama muló betere ɔla wisi diɔkélé atimatamo betɔmó bitu sɔpóló, Ayané diɔ sɔratepa haɔtamo ɔpaae mo kée yaalopó. <sup>13</sup> Dowi kisipatamo hɔko tɛtéróló kaae tare diliki tuɔmó dɔ betepa, Kótóné tao sóró ama hosaa mole naalené tɛtéróló kaae tare aɔmó beterɔpóló dape salepó. <sup>14</sup> Dɔ ɔ tuɔmó atéro betereteiné dowi alané dɔ dokóló mupa,

ama dupuróló hãle fópóló eralepó. Atétu, ðané dowi alamó saai yale kwia fea ama hãle kemeró beterapó.

*Yesu Kerisoné ama ere alané mepaae whi ó ere ala fea bosené falapó*

<sup>15</sup> Yesu Kerisota, mo whiné kelené kilinire Kótóné ą ere ala kolópóló hãkearó betere asotóro beterapó. Tėru, ęla ęla fea aleyaaipatei, ą mo taketi hãle bitu, fea ala ama tętėroló ą topo whi beterapó. <sup>16</sup> I haemókélé, ó hepen bemókélé yó mole ęla ęla mo fea Kótóné Yesu Keriso tuąmótóro kaarėlipakalepó. ðané kelené kelere ęla ęlakélé, kelenire ęla ęlakélé, tętėroló kaae tare doasi topo keperapekélé, atimané tętėroló kaae tare alarapekélé, atima aąmó bitu, mepaae ala tętėroló kaae tare keperapekélé mepaae kutó tętėroló kaae tare whırapekélé fea amatóro alipakalepó. Aleyóló muló betere ęla ęla fea Kótóné ąpaae aleyae yóló ama naase tuąmó mulatepa alipakalepó. Ti ai ęla ęla fea aleyóló muló betereteita, Yesu Kerisoné ama kisipa mole alatóro erópóló erapó. <sup>17</sup> Fea ęla fea aleyaaipatei, ą mo taketi hãle bitipakalepó. Aleyóló muló betere ęlakélé, betó mole ęlakélé fea ą tuąmó yó moletei, atima dokó feané yaai dere ala du beterapó. <sup>18</sup> Yesu Keriso ą topo bitu, ða Keriso fake so whi ama tikitóro betepa, ama tętėroló kaae tarapó. Ti folosóro ą sukóló momó kepaareteiné ðakélé ą yale kaaetóro yaalo ai ape. Atėreteiné mió ą fea ala fea tętėroló folosóro fale topo whi beterapó. <sup>19</sup> Ti noatepae, Kótóné ama ere ala mo turó ą tuąmó fąanópóló wisi

kisipatamo eralepó. <sup>20</sup> Atéturaalu, Kótóné Yesu Keriso tuámó erale alané hepen bemókélé ó i haemókélé fea alatamo touyóló betámó wisiyóló beterópóló, ama naalema filipaa ni tómó sókó fararale sameané bóe firalepó.

<sup>21</sup> Take diã Kótótamo betámó bitini kae bitu, diaaḡ du betale dowi alané tuḡ tuámótei Kótótamo bóe du betalepó. <sup>22</sup> Tépatei, mió Keriso ḡ mo wh̄i tiki daayóló sukaleteiné bóe firóló diã Kótótamo betámó beteralepó. Ti aita, Kótóné keletómó me alakélé muni, mo kae so wh̄i betóo, ḡsókó felepóló só deraaire bete munire so wh̄i betóo, yóppóló yalepó. <sup>23</sup> Ti Take diaaḡ woseté wou betale fo wisipaae kisipa tiró beteretei taaréni, miókélé ai fo tuámó diriyóló bitu, nalopaae mo wisi ala kelaalopóló ḡaitamo kae taté bu betepa, ti Talené keletómó ama kae beteró betere so wh̄i ai ape. Ai fo wisita, mepaaené diãpaae yó matepa wosóo, Kótóné i hae kwia dokómó beteró betere so wh̄i feapaae yó maté kwḡyóo, ḡ Pol-kélé ai fo yó melóppóló kutó diratere wh̄i sóró beteróo yalepó.

*Pol ḡ so wh̄i tao saaire kutó dirótu betale ala*

<sup>24</sup> Yesu Kerisoné so wh̄ita ama tikitóro betepa, atima tao saairaalu, ama tikimó doasi sekḡ salepó. Ama tikimó ai sale sekḡi ala kwia daaletei, mo ti kemeraairaalu, mió ḡalokélé diãpaae kale fo wisi yó mótu berteremó, mepaae wh̄irapené ḡpaae sekḡi ala eraleteimó mo kée du berterapó. <sup>25</sup> ḡta, Kótóné ama so wh̄i tao sóró kutó diratere wh̄i bitu, ama bete mole fo mo turó diãpaae yó melóppóló, Talené ḡ sóró beteralepó. <sup>26</sup> Ai fota, mo taketi bitiré wale so wh̄iné kelaḡsóro kinóló

moletei, mió Kótóné kae beteró betere so whjné kolópóló hakearó beterapó. <sup>27</sup> Juda meire fake so whj tuamó kae beteró betere so whjpaae ai kinóló mole ala, de fāanu ke wisi bulapóló tué yópóló Kótóné ama kisipanétei hakearalepó. Ai ke bole wisi olata, diā tuamó betere whj Yesu Keriso ai ape. Ai seké diā tuamó betereteiné, take nalopaae wisi de tuamó betaalopóló hajtamo beterapó.

<sup>28</sup> Diā fea Yesu Keriso tuamó me ala hāsókó feni, mo donore so whj betepa, Kótóné keletómó yó melaai kisi pa mutu, Yesu ā etei kae whj póló dāné yó mótu beterapó. Tétu, diaaḡ du betere hōko ala taaróló wisi tūpaae fae yóló ma fo yóo, Kótóné matere fosó fosói kisi patamo ama bete mole fo etérópóló yó melóo, du beterapó. <sup>29</sup> Ai ala yaalopóló kisi pa mutu, Yesu Kerisoné ama kutó ketekētamo depe tukówei ala i du betere ape.

## 2

<sup>1</sup> Diā Kolosi bemó betó mole Keriso so whjkélé, Laodisia bemó betó mole so whjkélé, yaḡo kelepaa kilinire no nerapekélé, Talené tao sópóló kisi pa mutu, ē depe tukówei ala du beteretei diaaḡ kisi pa yaasepóló i dere ape. <sup>2-3</sup> Yaḡo yaai kisi pa mutere ala i ape. Atima haepaae derepéni, yaala sókó fole alané atima fea dokóló, mo betā tuētóro mulu, ketekē buóló beterópóló dapó. Aita haḡe mei, mo bete mole fo sóro taru, Kótóné ama hiró betere ala wisi mo turó tué yópóló du beterapó. Ai hiró betere ala hakearale whjta, me kae mei, Keriso ātórótípó. Kótóné fosó fosói kisi paró bete mole ala wisitamo ā tuamó kinóló mulapó. <sup>4</sup> Yaḡo

diapaae i dere fota, mepaae whĭné diā dilikitu-raalu, kisipa tiki tiranére fo depa mo nisyóló sya faqsóro dapó. <sup>5</sup> Ti noatepae, ęta diātamo betámó bitini, tika kae bitutei diā kisipa keteréni, yało hosaa tuámó tuę hęle yó tarapó. Yesu Kerisopaae diaaę tuę tiki mo ti diriyóló tiratere alakélé, mepaae du betere alakélé hęko ini, donotóro du beterapó dere fo yało woseturaalu, mo kée yóló ę hajné sukutu beterapó.

*Dęta mo hae whĭné dere ala sya fumi, Yesu Kerisotamo betámó beterapó*

<sup>6</sup> Take diaaę Yesu Keriso diā tęteróló kaae tare Tale beterótu yale kaae, mió ama fo wosóló ą tuámó bitu, ama erae dere alatóro sya fóló erótu betae. <sup>7</sup> Atétepa, ti diaaę betere bete mo turó Yesu Keriso tuępaae muló betteretei ni feleke haepaae durupu dere kaae yaalopó. Diā ą tuámó atéro bitu, take mepaae whĭrapené diapaae yó melale mo fo bete tuę yó taru, ąpaae tuę tiki tiratere ala mo ti faketé fóló, mo dirii whĭ betenérápó. Talené diapaae ai erale alarapemó kisipa mutu, mo kée dere fo dekéro yó tawae.

<sup>8</sup> I haemó doasi kisipa mole whĭrapené mepaae bete munire fotei, bete mole fo aęróló diā dilikóló mo fo wisi taaróló, kapala fo du betere tuámó atimatamo beteraai wae saqsóro hoto-waró kaae tawae. Ti atei kaae fota, Yesu Keriso tuámó kaayóló dumitei, mo whĭné tuęre alaró i haemó tęteróló kaae tare fotokę bole kepetamoné kaarótu beterapó.

<sup>9</sup> Ti noatepae, Yesu Keriso ą mo whĭ tikitóro daalutei, mo Kótótóro bettereteiné, Kótóné ere ala

à tuámó mo sùró betèrapó. <sup>10</sup> Atépa, diàkélé Yesu Keriso tuámó betèreteiné mepaae ala yàyañi, ama ere ala dià tuámó fàanóló mo sùró betèrapó. Atéru, ó sàró i haetamo tuámó betere mepaae tètèróló kaae tare keperaperó doasi doi mole keperapetamokélé, fea ama tètèróló kaae taru, à topo whì betèrapó. <sup>11</sup> Mo take bitiré wale Juda fake whìné mo tiki sekaş tukóló sirirótu yale kaae, dià Yesu Keriso tuàpaae biṭi wale sukamó ama so whìpóló siriró betèrapó. Ti ai sirita, mo whìné naasené eréni, Keriso à filipaa ni tómó sukàleteiné ðané tó tikimó bole ekèlere ala tukóló taae faralepó. <sup>12</sup> Dià wèi tópualeteita, Yesu Kerisotamo betámó douralepó. Yesu Keriso à mo ti sukàletei momó kepaaróló betèrale Kótópaae ðané tué tiki tiró betèreteiné, diàkélé kisi betere bete sòpóló àtamó betámó kepaaróló betèró betèrapó.

<sup>13</sup> Diàné tó tikiné ekèlere ala tukóló taae falaai hàle muóo, take dowi ala du betóo, yale betené dià sukóló molepó. Tépa, Kótóné diàkélé Yesu Kerisotamo betámó kepaaróló betèróturaalu, ðané dowi alamó saai yale kwia mo fea ama tokóló aluralepó. <sup>14</sup> ðané yale dowi alamó ðà só deraai dapóló kwia betàpaaeróló muté huturaalu deàle dukù Kótóné Yesu Keriso filipaa ni tómó oleróturaalu mo ti doróló aluralepó. <sup>15</sup> Atéyaletéiné kale tètèróló kaae tare keperaperó doasi doi mole topo keperapetamoné tare bóe dele ọla ọla Kótóné fasó salepó. Atéró Yesu Keriso filipaa ni tómó sukuturaalu so whì feané keletómó atima só deróló mo doasi haleralepó.

16 Atérapa, mepaae whiné diā só deraairaalu, nokole ɣla ó wɛi ó tukóló mole be de ó kisi wélié sókó wapa ɣla deteremó ó kutó diyaqsóro tukóló muló betere be dekéle, wisiyóló sya fumipóló só deratere fo momókó wosaqse. 17 Ti ai dosqayale alarapeta mo ala mei, Kótóné dɔpaae eraaire wisi alané aso maaté erélipakalepó. Mo bete mole ɣlata, ti Yesu Kerisopó. 18 Mepaae so whi tuamó bopé faketera ala bulutei, naameyóló dua betere aq yóo, *ensel*-rape aqmó bitu, atima doi sóró horóo, du betera. Téra, diā Talené muló betere ɣla wisi saasepóló, atei ala ekele yóló du betere so whi momókó sya faqse. Atei kaae so whi atima i doasi ala kelalepóló, fɔlo sɣyóló deté fu betera. Atima tuékélé De Kepe Wisiné meni, hɔko bete munire kae kae dowi kisipa maaté faaturaalu, bopé faketu betera. 19 Yesu Keriso aɔa, tikié topo betepatei, atima atétu betere alané aɔamo betamó olekenipó. Dɔa ama tiki bitu, ai topomó bole fotokóné tiki turó diriyóló daalópóló olekeratere feleke diriró betera. Atépa, ai tiki doatere alata Kótóné amatei erótu betera.

20-21 Diā i haemó mara mole alarape teteróló kaae tare keperapené dere fo sya fóló du betaletai, Yesu Kerisotamo betamó sukale alané mo ti kemeró betera. Téreteiné mió diā ai ala tuamó betepapakó, “I ɣla naqse! ó I ɣla tawaqse! ó i ɣla olaa yaqse!” yóló ere fo aqmó bitu, sya fóló eraaloé? Mo meipó. 22 Ti noatepae, mo whiné tuénete i ala yaqse ó i ɣla naqse yóló yó mótu betere fota, bete muni mo aluyaalopó.



<sup>23</sup> Atei kaae ala du betere so wh̄i atima kisipa mole ala sya fóló, Tale aq̄mó etéró betaalopóló yó melóo, bopé fake du bitutei naameyóló dua betere aq̄yóo, atima tikimó felé dere ala ini, mo hapólui ala maaté yóo, du beterapó. Atére alata, fosó fosó ere fo aq̄patei, d̄a hae wh̄iné dowi ala yaai ek̄lere ala sesé yaaire fotok̄o mo bunipó.

### 3

*Kerisotamo kepaayóló bettereteiné t̄u wisi sya fae ere fo*

<sup>1</sup> Dīta, Yesu Kerisotamo bet̄amó kepaayóló betterapa, diaāq̄ hosaa mo turó ó hepen b̄e tūamó mole alapaetóro muló bitu, kisipa yó tawae. Ti aimóta, Yesu Keriso ā Kótóné turu naase eró betere fakeró beterapó. <sup>2</sup> I haemó mole alapaee kisipa muni, ó hepen bemó mole alapaee maaté kisipa mutu betae. <sup>3</sup> Ti noatepae, Yesu Keriso suk̄ale sukamó dīk̄élé ātamo sukóló, mió diaāq̄ betere bete Yesu Kerisotamo Kótó betere tūamó kinóló mulapó. <sup>4</sup> Dīā betere bete Yesu Keriso ama ere d̄e wisinaaletamo sókó wale sukamó, dīk̄élé ai d̄e tūamó betepa so wh̄i feané kelaalo ai ape.

<sup>5</sup> Térapa, d̄a so wh̄iné tó tikiné i haemó mole alarape yaai ek̄lere ala mo ti dóló alurae. Aita, so nópu nokole alakélé, sonaalei dowi alatamo hosek̄etere alakélé, me ̄la senée yóló au nokole alakélé, dowi kisipa mutere alakélé momókó yaq̄se. I haemó mole wisi wisi ̄la senée yóló ek̄letere alata, kapala kótóp̄aae moma dere aq̄rapó. <sup>6</sup> So wh̄iné ai alatamo h̄ale du betepa, ti Kótóné fopaae buturaalu dowi kwia

melaalopó. <sup>7</sup> Take diã mo hae whi doi muóló betale sukamóta, ai dosãayale alarape sya fóló du betalepó. <sup>8</sup> Téyaleteti mióta, ai du betale dowi alarape derãakele kuti sokóló taae fótu dere kaae, mo ti taae falae. Ai alarape i ape. Fopaae butere alakélé, fopaae buturaalu me whipaae eratere dowi alakélé, dei kisipa mutu me whipaae eratere sekei alakélé, me whi eróló doi doratere alakélé, dowi teka fokélé, mo taalae. <sup>9-10</sup> Téturaalu, diã take daayóló betale tikiró yale alatamo sókóló taae faróló, mo bete mole fo tuę siré furaalu, kisi whi aleraté fu beterapó. Ai kisi whi kaarale sekéné asotóro betepa, diãsisi kapala fo yaęse. <sup>11</sup> Dã mió i betere kisi ala tuãmó mepaae whi Juda fake betepa ó Juda meire fake betepakélé, me ęla meipó. Mepaae whi tiki sekaę tukóló siriró betepa ó siriró bitinipakélé, me ęla meipó. Krik be fõ buni, kae hae kwiamó wale whi ó me ęla kisipani, mo belei sókó deyóló betere whikélé, kutó dirópóló wae sóró betero betere whikélé, ó wae sini mo hãle betere whikélé, me ęla meipó. Mo doasi bete mole alata me kae mei, dã fea tuãmó betere whi Yesu Keriso ątóró ai ape.

<sup>12</sup> Atépa, Kótóné diã yaala sókó furaalu, mo kae so whi betero póló sókó su erapó. Térapa, mepaae so whipaae yaala sókó fu kęlené sukutere alakélé, mo wisi ala maaté eratereteikélé, deróló mo dua betere alakélé, ama enére ala taaróló, naame yóló mo dua betere alakélé, fopaae butere ala hapale ini, sekei ala hãle beleyóló kaae taté fu betereiteikélé, ai dosãayale alarape feata, kuti derótu dere kaae yóló betae. <sup>13</sup> Mepaae whi

h̄asókó fóló dere alamó sekę kisipa muóló, foné hapale só deratere ala ini, me ęla meipóló kisipa keteróló, sekętei beleté fu betae. Ti noatepae, Talené diaaę dowi ala fea me ęla meipóló kemerótu yale kaae, mepaae wh̄iné diępaae me kwia muló betepa, me ęla meipóló h̄ale kemerae. <sup>14</sup> Ai alarape fea tęteró betere doasi bete mole ala i ape. Kutiné tiki turó husirótu dere kaae, ne nopaae kęlené sukóló yaala sókó fole ala betę h̄ale yó tawae. Ti ai yaala sókó fole alanéta, kale doşaté wale wisi alarape fea touróló dokorapó. Atére alané dę fea wisi kisipa muóló beterópoló, mo ti şuró beterapó.

<sup>15</sup> Atéru, Yesu Kerisoné mótu betere hosaa muni deyóló mo dua betere alané diaaę hosaa tuęmó mole kae kae ala fea taleyóló tęteróló kaae tanópoló yae. Ti noatepae, Talené dię fea ę beterepaae ape yóló, mo betę tikitóro daaróló beteró beterapó. Atére alata, diaaę mole kisipakélé mo betętóro muóló beterópoló erapó. Térapa, diaaę hosaa tuęmó Talepaae mo kée dere ala suka fea h̄ale yó tawae. <sup>16</sup> So wh̄i bemó suka fea bitu dere kaae, Yesu Kerisoné ama fo diaaę hosaa tuęmó mo ti muóló şurópoló yae. Atéru, Talené ala eraairaaalu, mo wisi kisipatóro muóló, u yó mótu i yó mótu dere alakélé, tų wisi sya foletei h̄asókó fóló dée naaitere tųpaae faşsóro, ma fo u du i du dere alakélé h̄ale yó tawae. Tétu, Kótópaae wole fo duraalu, ama *buk*-mó aseýóló muló betere wole fokélé yóo, mió i alimó du betere wole fokélé yóo, mepaae so wh̄ipaae Deį Kepe Wisiné yó matere wole fokélé yóo duraalu,

hajtamo diaaḡ hosaa turóné Kótópaae mo kée du betae. <sup>17</sup> Atétu, diaaḡ mepaae dere ala ó dere fokélé fea dḡ tḡteróló kaae tare whḡ Yesu Kerisoné doi doasi mulóturaalu, ai sekéné ama doimó Aya Kótópaae mo kée du betae.

*Keriso so whḡ atima naale senaaletamo wisiyóló betae yóló dere ma fo*

<sup>18</sup> Diḡ whḡiné dokore sorape-ó, diaaḡ dere ala mo Talené so whḡiné dere ala kaaetóro yaasepóló, diaaḡ whḡrapené dere fo wosóló aḡmó betae.

<sup>19</sup> Diḡ so dokore whḡrape-ó, diaaḡ sorapepaae hapólui ala ó deteraai fo ini, yaala sókó fole alatóro yó tawae.

<sup>20</sup> Diḡ naale senaae-ó, diaaḡ hae ayané dere fo wosóló aḡmó betae. Atétere ala Talené kilituraalu, ḡ hḡkesetu beterapó.

<sup>21</sup> Naale senaae alimarape-ó, diaaḡ naale senaae atima fomaake kisipa muaḡsóro haseḡai ala eraḡse.

<sup>22</sup> Kutó dirópóló wae sere whḡrape-ó, i haemó diḡ tḡteróló kaae tare whḡrape aḡmó bitu, atimané erae dere ala fea erótu betae. Atimané kisipa tiki felé yópóló, atima keletómó maaté kutó hatepaa yóló ini, betepa ó alupakélé, betḡ alatóro yó tawae. Atimané diḡpaae dirae dere kutó diróturaalu, wisi kisipa betḡatóro muóló, Talepaae witamo dirótu betae. <sup>23-24</sup> Diḡ tḡteróló kaae tare whḡta mo whḡtei, yaḡo i ditu betere kutómó Talené dupu wisi melaalopóló, wisi kisipatamo keteḡ buóló dirótu betae. Ti naao ai ditere kutóta, ya tḡteróló kaae tare whḡ Yesu Kerisoné kutópóló kisipa muae. <sup>25</sup> Téretei, Talené keletómó diaaḡ

me dowi alatamo depa, ti ai alamó mo dowi duputoró tokó melaalo ai ape. Ti noatepae, Kótóné taleturaalu, mepaae wh̄rape tao sóo, mepaae wh̄rapemo só deróo ini, mo bet̄a kaae alatóro eraalopó.

## 4

<sup>1</sup> Wae sóro kutó diratere wh̄i t̄eteróló kaae tare wh̄rape-ó, dīakélé t̄eteróló kaae tare doasi hepen bemó bet̄erapóló kisipa mutu, Kótóné donoi ala eróturaalu, diaaḡ wae sóro kutó diratere wh̄rape atimakélé, dīa kaae mo wh̄itóro bet̄erapa, wisi alatóro erótua yae.

*Mepaae dere alarape hotowaró duraalu moma yae dere fo*

<sup>2</sup> Diaaḡ momaturaalu, noke keḡleiné ini, kele diriyóló bitu, hosaa tuḡmó Talepaae mo kée yóló betere dokḡ fea moma dere ala haḡe yó tawae. <sup>3</sup> Téturaalu, Tale Kótóné ama kinóló mole fo so wh̄i feapaae yó melaaire t̄u tuk̄iyópoló, daḡpaaekélé moma dere ala haḡe yó tawae. Ti ai kinóló mole foné, Yesu Kerisoné dīa Juda meire fake so wh̄ikélé tao saalopó. Atéyaaire fo wisi yó maté kutu bet̄epa, atimané ḡ *dipula* sóro i bet̄eró betere ape. <sup>4</sup> Talené fo yaḡo yó matepa, so wh̄i feané wosóló bete mo wisiyóló kisipa yaaire fotóro yó melópoló momarótu bet̄ae. <sup>5</sup> Keriso meiyóló, haḡe belapaae betere so wh̄itamo diaaḡ mepaae ala duraalu, Talené matere wisi kisi-patamo ama ala eraaire be d̄e mepaae haḡe kemaḡsóro, ama alatóro erótu bet̄ae. <sup>6</sup> Atéturaalu, mepaae mo so wh̄itamo diaaḡ dere fokélé, Talené

hamokoróló tao sere ala mo f̄ayóló s̄uru, naao ai dere fo atima feané wosetepa, kó felé kaae dapó yópóló yae. Atéturaalu, mepaae so wh̄iné dīpaae kae kae wosetere fo depa, tok̄ melaaire fo k̄lóló k̄lóló ini, mo donotóró tok̄ melaalopó.

*Mo kemeróturaalu k̄leó dere fo*

<sup>7</sup> Ȳalo mo hosaa mole no Tikikas-né ę betere ala etérápóló dīpaae yaalo ai ape. Ti ąta, ętamo Talené kutó diratere wh̄i wisinaale betepa, dī beterepaae wópóló dotęyaaí dapó. <sup>8</sup> Ȧ atéró wouraalu, d̄ané du betere alakélé dīpaae yóo, dī fotok̄ bulatere alakélé yóo, yópóló dotonat-ápó. <sup>9</sup> Diaaę be wh̄ikó d̄ané mo hosaa mole no Onesimas-kélé, Talené kutó diratere wh̄i wisinaale Tikikas-tamo wópóló dotęyaaí dapó. D̄ané imó du betere ala fea ti atimaamoné dīpaae yaalo ai ape.

<sup>10</sup> Ȧtamo bet̄amó *dipula* betere wh̄i Aristarkus-né dīpaae k̄leó dapó. Banabas-né belema Mark-nékélé dīpaae k̄leó dapó. Ai sek̄mó kisipa mutu ȳalo take dīpaae yale fo diaaę kisi-parapa, ą wisiyóló dape sae. <sup>11</sup> D̄a t̄eteróló kaae tare wh̄i Yesuné yakoma Yesu doi mupatei, Jastus-pó du betere wh̄inékélé dīpaae k̄leó dapó. Talené t̄eteróló kaae tare tūamó mole ala erótu betere wh̄irape kuamó ętamo kutó ditere Juda fake wh̄irapekó sore bet̄a beterapó. Aita Mark, Jastus, Aristarkus atimané ȳalo kisipa felérótu betalepó. <sup>12</sup> Dī be wh̄ikó Yesu Kerisoné kutó diratere wh̄i Epapras-né dīpaae k̄leó dapó. Betere dok̄ ama dīamó momatu beteretei i ape. Kótóné dī fotok̄ bulóo, ama dīpaae eraaire

ala turó eróló sūróo, Kótóné ama kisipa mole ala mo turó diaaḡ tué yóo yóppóló, ketekḡ buóló mo-marótu beteraḡó. <sup>13</sup> Yálo diḡpaae mo i dere ape. Ai sekḡné diḡmókélé, Laodisia beró Hierapolis be huluatamomó betó mole Keriso so whḡpaaekélé, me sekḡi ala eraḡsóró, ama hosaamó suraalu kutó ditu beteraḡó. <sup>14</sup> Dḡné hosaa mole no *Dokta* whḡ Luk-ró Demas-tamoné diḡpaae kḡleó dapó. <sup>15</sup> Laodisia bemó betó mole dḡné Keriso ne nopaaekélé, kale so Nimparó ama bemó touróló bitua dere Keriso so whḡtamopaaekélé, yálo kḡleó dapó yae.

<sup>16</sup> Yálo i dotonaterē aḡḡ diaaḡ dosḡayóló keme-tepa, ti Laodisia Keriso so whḡnékélé dosḡayóppóló melae. Yálo atimapaee dotonale aḡḡ diaaḡkélé dosḡayae.

<sup>17</sup> Artipus-paae Talené yaḡpaae dirae yale kutó diróló, mo ti kemerae yae.

<sup>18</sup> Ḙta, Pol-né dapó. Yálo diḡpaae kḡleó yóló i aḡtere fota, mo yálo naasenétóró ai erapa kelae. Ḙ *sein* kḡpiné dokóló *dipula* betereitei kisipa keteréni, kisipatóró hḡle yó tawae. Kótóné hḡle hamokoróló tao sere ala diḡ tuḡmó mulóppóló yae.

**Yesu Kerisoné So Whi Tao Sere Kisi Fo Wisi**  
**The New Testament in the Folopa Language of Papua**  
**New Guinea**

**Nupela Testamen long tokples Folopa long Niugini**

copyright © 2005 Wycliffe Bible Translators, Inc.

Language: Folopa

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-09-20

---

PDF generated using Haiola and XeLaTeX on 11 Nov 2022 from source files dated 9 Oct 2020

4e9b4b04-0b47-5583-9c4d-fb82cfdd65c2